

760 mit grôzer rîchen hôchgezît.
 mich mûet iwer beider strîf.
 dâ sult ir bî mir ruowen nâch.
 sît aber strîf von iu geschach,
 5 ir erkennet ein ander desten baz.
 nû kîeset vriwentschaft vûr den haz.«
 Gawan des âbents az dest ê,
 daz sîn neve von Thasme,
 Feirefiz Anschevin,
 10 dennoch vaste, unt der bruoder sîn.
 Matraze dicke unde lanc,
 der wart ein wîter umbevanc.
 kultern maneger künne
 von balmâte, niht ze dünne,
 15 wurden dô der matraze dach.
 tiwern pfelle man drûf gesteppeet sach,
 beidiu lanc und breit.
 diu Clinschors rîcheit
 wart dâ ze schouwen vûr getragen.
 20 dô sluoc man ûf, sus hôrt ich sagen,
 von pfelle vier ruclachen
 mit rîlichen sachen,
 gein ein ander vîrsîte,
 dâr unde senfte plûmîte
 25 mit kultern verdecket,
 ruclachen drüber gestecket.
 der rinc begreif sô wît ein velt,
 dâ wâren gestân sehs gezelt
 Âne gedrenge der snûere.
 30 unbescheidenlîche ich vûere,

dâ s. ir sîn mit triwen n. *G (ohne Z)

des tages az *G (nur GI)

dô sîn n. *G *T

Ferefiz von A., *T

von palmât wît (dicke *T L) u. l. *G (ohne Z) (*T)

umbehanc. *G (nur GL) *T

b. l. und beidiu br. *T

diu hêrlîche r. *G (ohne Z)

von pf. niwe r. *G (ohne Z) · von pf. vier kurze lachen *T

g. ein a. niwe site, *G (ohne Z)

gestrecket *G (ohne Z)

dâ wâren *G (ohne I) · gestanden vier (vierzech I) g. *G *T

*D: D *m: m V *G: G I L Z *T: U

1 Initiale G L Z 7 Initiale m V 11 Majuskel D 29 Initiale D

4 geschach] beschach *m (nur m) 15 wurden] wâren *m (nur m) 24 senfte] om. *m 27 sô wît ein] ein wîtez *m (nur m)